

SCRIPTA

Numéro Scripta : 4999

Auteur(s) : Pont-de-l'Arche (vicomte)

Bénéficiaire(s) : Guillebert Matinée, de Porte-Joie [particulier]

Genre d'acte : charte

Authenticité : non suspect

Datation : 1289, 26 septembre

Action juridique : autre

Langue du texte : ancien français

Analyse

Guillebert Matinée prend à fief des religieux de Bonport une maison au port de Vauvray.

Tableau de la tradition

Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissé, 1862, n° CCCXXXVI, p. 348-349.

Texte établi d'après a

A touz cheuz qui ches leitres verront et orront, le viconte du Pont de l'Arche saluz. Sachies que par devant nous fut présent Guillebert Matinee, de la parroisse de Portigoie adonc, si comme il disoit, qui de sa bonne volenté requenut que il avoit pris en fie et en heritage de l'abbé et du covent de Boun Port une meison que il avoient, si comme il disoient, au port de Wauvray ovequez touz les edifiemenz qui i sont, assise juxte la mesure Radulphe Guislain, d'une part, et les hoirs Ricart du Val, d'autre, aboutant au quemin le Roy, d'un bout et à liaue de Saine, d'autre, si comme el se pourporte en lonc et en lé, en rendant diche de li et de ses heirs audit abé et au couvent sexante et deuz soulz d'annel rente, de monnoie courante en Normandie, chascun an, chest assavoir vint et deuz soulz à la Saint Martin et vint soulz à Noel empres ensievant, et vint soulz à Pasquez empres ensievant ; et pour che tenir et a emplir le dit Guillebert en obliga soy et se heirs et touz ses bienz meubles et non meubles presenz et à venir, et balla en contreplaige as dis religieuz deuz acres et demie de terre que il avoit, si comme il disoit, en la parroisse de Portigoie, assiz en deus pieches, des quelz l'une est assise entre la terre Heudouin, d'une part, et la terre as heirs Mignot, d'autre, et l'autre piéche est assise entre la terre as hoirs Henri Canu, d'une part, et la terre as hoirs ad Musars, d'autre ; et diz souz de rente que il avoit en ladite parroisse. Chest assavoir chinc soulz sus leritage Vivien Matinee, et chinc souz que il avoit sus la sauchee Nichole Garie, en lille d'Ande ; et vout et otria ledit Guillebert pour soy et pour ses hoirs que les diz religious ou leur quemandement puissent faire leur justise sus la dite mesure et sus la dite terre et sus les diz soulz de rente desus diz, pour la devant dite rente avoir as devant dis termes, se ele n'i estoit paié, et l'amende se ele i aferoit, et promist arrendre touz couz et damagez que il diroient..... aroient eu se la dite rente n'estoit paié as dis termes, dont le porteur de ches leitres seroit creu..... autre preuve fairecha le dit Guillebert quant à che faireEn tesmoing de che nous avon mis à ches leitres..... seel de la dite viconté du Pont de l'Arche, sauf le droit le Roy et l'autry.
Che fu fait l'an de grace M. CC. IIIxx et noeuf, le lunsdi devant la Saint Michiel en yver.